

REFERAT IIIA - Isumaginninnermut Inunnullu Innarluutilinnut Ataatsimiititaq d. 08-12-2020

Mødedato Tirsdag d. 08. december 2020 kl. 18:00

Mødested Kommunalbestyrelsip ataatsimiittarfia

Innholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	7
Piorsaaviup aamma Sanarfinermut Avatangiisinullu Ingerlatsiviup suleqatigiinnerat.....	13
Aalajangiiffigisassat.....	16
Suliat Aningaasaqarnermut Inuussutissarsiornermullu Ataatsimiititamut Kommunalbestyrelsimullu	17
2021-mi Suliat allaaserineqarneri.....	18
Angalanermit nalunaarusiaq.....	21
Taasariaqartut allat.....	24
Lukket.....	25
Lukket.....	26
Imaqarniliap akuerineqarnera.....	27

Punkt 0: Saqqaa

Inge Olsvig Brandt (IA), siulittaasoq

Lone Rosengren Pedersen (IA)

Knud Mathiassen (IA)

Nadia Olsen (D)

Rolf Pike (S)

Beslutning

Ataatsimeeqataasut:

Lone R. Pedersen (IA) Nadia Olsen (D), Rolf Pike (S)

Oqarasuaatikkut:

Nadia Olsen (SAM), Rolf Pike (S)

Punkt 1: Oqaluuserisassat akuerineqarneri

Beslutning

Oqaluuserisassat akuersissutigineqarput

Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

2a.

Soqanngilaq

2b.

Majoriap ataani suliffeqeqarnermut immikkoortortaq aammalu pikkorissaqqinnernullu immikkoortortaq Jens Kreutzmannip Aqqutaani ataatsimuulersinneqarnerat naammassillugu piviusunngortinneqarpoq. Pilersaarutit malillugit Novomberip aallartinnerani tamanna pisussaangaluarpoq, kisiannili imermik illup iluanut isaasoqarneratigut aammalu allanik teknikkimut tunngasunik unamminartoqarneratigut aatsaat 4. december ataatsimuulersitsineq piviusunngorpoq.

Punkt 3: Ilisimatitsissutit

Punkt 03A: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatitut tiguneqarpoq

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Oktobari 2020

Ilisimatitsissut

J.nr.: EMN-2020-29960

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Suliassamik eqikkaaneq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutit kiisalu suliffissaaleqisut amerliartornerat pillugu ataavartumik ilisimatitsissuteqartarpoq. Matumani ilisimatitsissut 2020-mi oktobarimut tunngasuuvoq.

Inassuteqaat


Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutit kiisalu suliffissaaleqisut nalunaarsorneqarnerannut killiffik pillugu ataavartumik ilisimatitsissuteqartarpoq. Matumani ilisimatitsissut 2020-mi oktobarimut tunngasuuvoq.


Suliffissaaleqisut nalunaarsorneqarnerat



1

¹ Immikkoortumi matumani suliffissaaleqisut nalunaarsorneqarnerat qaammammi tassani inuit sivisuumik suliffissaaleqisut amerlassusaat tunngavigalugu suliarineqarpoq, tamannalu pillugu qaammammi tassani suliffissaaleqisunut agguaqatigiissitsinermut sanillunneqarsinnaanani.

Suliffissaaleqisut septembarimut sanilliullugit oktobarimi ikilismapput. Piffissaq una piniartarfiummat aalisartarfiummalu kiisalu ilinniartarfiummat aasaanerata kingorna aallartinneri pillugit ikilinerat naatsorsuutaareerpoq.



Kommuneqarfik Sermersooq tamakkerlugu suliffissaaleqisut siorna piffissaq taamaalisumut sanilliullugit annertuumik amerleriaateqarput.

Nuummi nikerarneri

Suliffissaaleqisut uninngaannarluni ikiorserneqarnermit sulisuulernermut nuutsinneqarniassammata, Nuummi Majoriaq siunnersuinermit, sullissinermit, piginnaangorsaaqqinnermit eqaannerusumillu suliffeqarnermit suliassaqarfinni qulaajaanermik ineriartortitsinermillu aallartitsivoq. Tamanna ingerlatsineq suliffissaaleqisunik, inuussutissarsiortunik kommunimilu suliffeqarfinnik immikkoortortanillu suleqatigiitsitsilernikkut naammassineqassaaq.

Oktobarimi novembarimilu suliffissaaleqisunut paasititsiniaanerit massakkumut suliffissaaleqisunik 250-it missaanniittunik naapitsitsisut ingerlanneqarput. Paasititsiniaanerit ilaatigut suliffissaaleqisut pisinnaatitaaffiit, pisussaaffiit periarfissaannullu tunngassuteqarput. Paasititsiniaanermi suliffissaaleqisut sulisinnaassusaannik qulaajaanek pitsaangorsaanerlu kiisalu Nuummi Majoriaq siunnersuinnikkut, piginnaangorsaaqqinnikkut piginnaangorsaanikkullu suut neqeroortiginerai qitiutinneqarput.


Nuummi Majoriaq suliniummi matumani peqataasutut, ataatsimiinnernut pulaartitsinikkut suliffeqarfissuarnullu pulaarnernik aqqissuussinikkut inuussutissarsiortunik kommunimilu suliffeqarfinnik suleqateqarnermik siuarsaassaaq.

Taamatut ingerlatsineq Tasiilami Ittoqqortoormiinu ukiup nutaap aallartinnerani aammattaaq aallartinneqassaaq.

Ingerlatsiviup aamma Nuummut periusissiamik/iliusissatut pilersaarummik suliniutinillu allanik Suliffeqarnermut Isumaginninnermullu Ataatsimiititap 2021-mi siullermeersumik ataatsimiinnerani saqqummiussinissani naatsorsuutigaa.

Piffissami tassani innersuunneqarsimasut nalunaarsorneqarnerat

Suliffeqarnermut Isumaginninnermullu Ingerlatsivimmit suliffissaaleqisut suliffittaarnissaannut innersuussisarneq suli sulissutigineqarpoq. Matumani piffissami innersuunneqarsimasunut nalunaarsuinerit tulliuuttumi takuneqarsinnaapput.




Suliffeqarnermut Isumaginninnermullu Ingerlatsivimmit inuussutissarsiortunik suleqateqarneq siuarsarneqarpoq tamannalu pillugu Kommuneqarfik Sermersuumi illoqarfinni tamani suliffeqarfiit minnerit angisuullu ataatsimeeqatiginissaannut pilersaarusiorneq ingerlatsinerlu suli sulissutigineqarpoq. Illoqarfinni suliffissaaleqisoqarnerusuni immikkut unamminarsinnaasarmat, suliffissaaleqisunik innersuussinissamut kiisalu piginnaanngorsaaqqinnermut ilinniarfissanillu ugartuisarnermut atatillugu inuussutissarsiortunik suleqateqarnikkut periarfissat pitsaanerulernissaat, Suliffeqarnermut Isumaginninnermullu Ingerlatsivimmit naatsorsuutigineqarpoq.

Matchgruppiniut agguataarinerit naatsorsorneqarneri

Maanna Suliffeqarnermut Isumaginninnermullu Ingerlatsivimmit matchgruppiniut agguataarisarneq immikkut ukkatarineqarpoq. Tamanna pillugu Suliffeqarnermut Isumaginninnermullu Ingerlatsivimmit qulaajaaneq annertoq aallartinneqarpoq. Taamatut ingerlatsinikkut suliffissaaleqisut katitigaanerisa allanngortinneqarnissaat naatsorsuutigineqarpoq, tassunga aalajangersimasumik ilanngullugu suliffissaaleqisut matchgruppe 2-miittut ikilisinneqarnissaat. Suliffissaaleqisut matchgruppe 2-miittut annertuumik appariarsimanerat malugisassaalereerpoq, taakkumi amerlassusaat augusti 2020-mi 500-nit oktobari 2020-mi 397-inut appariarsimavoq.

Matchgruppinnut agguataarineq augusti-oktobari 2020-mut



Avataaniit suliartortut naatsorsorneqarneri

Avataaniit suliartortut pillugit oktobarimi septembarimilu qinnuteqaatit akuersissutigineqartut, sivitsorneqartut itigartissutigineqartullu:

Akuersissutit	
Amerlassusa at	Suliffiup aqqa:
8	Montørit
7	Supervisorit
4	Igasut
3	Elektrikerit
3	Maskiinanut aquttut
3	Ulluinnarni aqutsisut
3	International Mountain Leaderit
2	Mamartulianik suliaqartut
2	Niuertarfinni ittut
2	Eqqiaasut
2	Qillerutinut angallassinnaasanut aquttut
2	Pinnguarterarfinni montøri
1	Sanasoq
Akuersissutit	

Amerlassusa at	Suliffiup aqqa:
1	Maskiinalerisoq
1	Assistant Manager
1	Kiffiaasoq
1	Ruujorilersuisartooq
1	Mekanikeri
1	Piffissap ilaani kiffartuussinnermi sulisoq
1	Mountain Guide

Sivitsuinerit	
Amerlassusa at	Suliffiup aqqa:
3	Igasut
	Tummeqqanut sisannut
1	montørit

Oktoberi 2020-mi akuersissutit katillugit 53-iusimapput, sivitsuinerit sisamaallutik qinnuteqaatinullu itigartissutigineqarani.

Aaqqiissutissatut siunnersuut – suliaticigut naliliineq

Matchgruppinnut agguataarinermik qulaajaaneq aallartinneqartoq, suliffissaaleqisut katitigaanerini allannguereersoq Suliffeqarnermut Isumaginninnermullu Ingerlatsivimmit maluginiarneqarpoq Suliffeqarnermut Isumaginninnermullu Ingerlatsiviup qulaajaaneq ingerlatiinnassavaa.

Suliffeqarnermut Isumaginninnermullu Ingerlatsivimmit inuussutissarsiortunik suleqateqarneq siuarsarneqarpoq tamannalu pillugu Kommuneqarfik Sermersuumi illoqarfinni tamani suliffeqarfiit minnerit angisuullu ataatsimeeqatiginissaannut pilersaarusiorneq ingerlatsinerlu suli sulissutigineqarpoq. Illoqarfinni suliffissaaleqisoqarnerusuni immikkut unamminarsinnaasarmat, suliffissaaleqisunik innersuussinissamut kiisalu piginnaanngorsaaqqinnermik, suliffinnik misiliinissamik, ilinniarfissanillu neqeroorutiniq ujartuisarnermut atatillugu inuussutissarsiortunik suleqateqarnikkut periarfissat pitsaanerulernissaat, Suliffeqarnermut Isumaginninnermullu Ingerlatsivimmit naatsorsuutigineqarpoq.

Aningaasaticigut sulisoqarnikkullu naliliineq

Kommuneqarfik Sermersuumi suliffissaaleqisut allangortinneqarnerat pisortanit ikiorsiissutitut kiisalu suliffeqanngikkallarnermi ikiorsiissutitut aningaasartutitut aningaasaqarnikkut sulisoqarnikkullu sunniuteqassaaq.

Inatsitigut tunngavissaq allakkallu tunngaviusumik uppersaatitallit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

Ingerlariaqqinnissaq

Suliffeqarnermut Isumaginninnermullu Ataatsimiititaq suliffissaaleqisut nalunaarsorneqarnerat aamma suliffissaaleqineq anigorniarlugu suliniutitut killiffik pillugit ataatsimiititap ataatsimiinnerani tullermi ilisimatitsissummik tunineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Oqaaseqaateqartoqanngilaq.

Ilanngussat

Ilanngussaqaanngilaq.

**Punkt 03B: Piorsaaviup aamma Sanarfinermut Avatangiisinullu
Ingerlatsiviup suleqatigiinnerat**

Piorsaaviup aamma Sanarfinermut Avatangiisinullu Ingerlatsiviup suleqatigiinnerat

Ilisimatitsissut

J.nr.: EMN-2020-29966

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Piorsaavik Majoriap ilagaa Suliffeqarnermut Isumaginninnermullu Ingerlatsiviup ataaniittoq. Inuusuttut Piorsaavimmiittut pillugit suliniuteqarnermut atatillugu Piorsaavik Sanarfinermut Avatangiisinullu Ingerlatsivimmik suleqateqalerpoq. Atuartut Nuummi allannguisumik ersarissumik nuannersumillu suliamik naammassinnissinnaanissamat periarfissinneqarnissaat suleqatigiinnermi siunertaavoq.

Atuartut inooqataanikkut, sulianik naammassisaqarsinnaassutsimikkut imminullu naleqartinnermikkut siuarsarnissaat siunertaavoq. Tamannami atuartut ilinniakkamik aallartitsisinnaanissaannik imaluunniit suliffissanut appakaassinnaanissaannut annertusaaqataassaaq.

Tamatuma saniatigut Nuummi suliassamik sukumiisunik naammassinninnissamat suleqatigiinneq iluaqutaassaaq, assersuutigalugu tummeqqat pisuffissaliillu.

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Piorsaavik Majoriap ilagaa Suliffeqarnermut Isumaginninnermullu Ingerlatsiviup ataaniittoq. Inuusuttut 16-it Piorsaavimmi iggavimmiuullutillu sannavianiiittarput. Inuusuttut Piorsaavimmut isertinneqartartut tassaapput inooqataanermi piginnaasassatigut immikkut ikiorneqartariaqartut. Piorsaavimmi siunertaavoq, inuusuttup imminut naleqartinneranik aamma imminut tatigilernissaanik annertusaanissaq, inuusuttullu ilinniakkamik aallartitsinissaannik sulilernissaanilluunniit tunngavissaliinissaq.

Piorsaavimmi sammisassatigut assigiinngitsutigut aaqqissuussaasumik ingerlatsinissamik Piorsaavimmi ilungersuussinnermut atatillugu kommunimi suliffeqarfinnik immikkoortortanillu suleqateqarnissaq aallaaviussaaq.

Siunniussaq tassaalluni atuartut suliamik/sammisamik naammassinninnissaannik periarfissaqartitsineq, tassuuna illoqarfimmi ersarissumik nuannersumillu allanngueqataanissaat. Taamatut suliarneq tunisassiornermut assingusumik sammisaqartitsineruvoq. Inuusuttut nammineerlutik takussavaat takutillugulu suliamik naammassinnissinnaassuseqarnermik periarfissinneqarneq. Allatut oqaatigalugu inuusuttut nammineerlutik naammassisaat tulluusimaarutigisinnaasaallu. Taamaalilluni taamatut ingerlaneq Piorsaavimmi siunertaasumut ikorfartuutaavoq.

Suliniutissanik piukkunnartunik naleqquttunillu Piorsaavik toqqaanissamut Sanarfinermut Avatangiisinullu Ingerlatsivimmik suleqatiginnilerpoq. Tunisassiornermut assingusumik sammisaqartitsineq assersuutigalugu tassaasinnaalluni:

- Sissaq sinerlugu pisuttuartaftuup ilaanik sananeq (tassungali pisariaqarluni atuartut inerisimalluartaft amerlanerunissaat aamma sannavimmi sulisut amerlanerunissaat)
- iliveqarftuup ungaluunik aserfallatsaaliineq
- tummeqqanik pisuffissalianillu aserfallatsaaliineq
- pilersaarutit allat ingerlaavartumik isumaqatigiissutigineqartut.

Aaqqiissutissatut siunnersuut – suliatigut naliliineq

Suliffeqarnermut Isumaginninnermullu Ingerlatsiviuup aamma Sanarfinermut Avatangiisinullu Ingerlatsiviuup nalilerpaat, suleqatigiinneq atuartut ineriartornissaannut pissarsiaqaataalluassasoq. Tamatuma saniatigut suleqatigiinneq Nuummi suliasanik sukumiisunik naammassinninnissamut iluaqutaassaaq.

Inuusuttut sukumiisunik nuannersumillu angusaqarluni sulianik naammassisaqarluni takusaqarnissamut periarfissaqartinneqarnerat inooqataanermi piginnaasatigut imminullu naleqartinneq pingaaruteqartuuvoq. Inooqataanermi piginnaasat imminullu naleqartinneq toqqammaviliisooqataasarput, pisariaqartuullutillu ilinniagaqarnissamut, suliffeqarnissamut ataatsimullu isigalugu inuiaqatigiinni akuunissamut.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaatiit

- o Suliffeqalernissamik ilinniagaqalernissamillu Siunnersuisarfiit pillugit Inatsisartut inatsisaat nr. 28, 9. decembari 2015-imeersoq.

Ingerlariaqqinnissaq

Sukumiisumik isumaqatigiissuteqartoqariarpat Suliffeqarnermut Isumaginninnermullu Ingerlatsivimmuut ilisimatitsissutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqatigiinneq

Soqanngilaq.

Ingerlatsivinnit allaniit oqaaseqaatigineqartut

Oqaaseqaateqartoqanngilaq.

Ilanngussat

Soqanngilaq.

Punkt 4: Aalajangiiffigisassat

**Punkt 5: Suliat Aningaasaqarnermut Inuussutissarsiornermullu
Ataatsimiititamut Kommunalbestyrelsimullu ingerlateqqitassat**

Punkt 05A: 2021-mi Suliat allaaserineqarneri

Beslutning

Inassuteqaat akuersissutigineqarpoq

Bilag

Bilag 1 Kvalitetsstandarder 2021 KAL.docx

2021-mi Suliat allaaserineqarneri

Aalajangiiffigisassaq

J.nr.: EMN-2020-27557

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Suliassamik eqikkaaneq

Suliat allaaserineqarneri ukiut tamaasa nutarterneqartassapput politikkikkullu akuerineqarlutik.

Suliat allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat neqeroorutitut eqquunnersut aamma politikkikkut anguniakkanut naapertuuttuunersut qulakkeerneqartartussaapput.

Inassuteqaatit

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- 2020-mi Suliassat allaaserineqarnerat akuerineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigineqarnissaanut ingerlateqqinneqassasoq Kommunalbestyrelsen

Suliassamik saqqummiussineq

Suliat allaaserineqarneri tassaapput Isumaginninnermut Suliffeqarnermullu Ingerlatsivimmi innuttaasunut neqeroorutit innersuussutigineqarnerisa ataatsimut takussutissartai. Ingerlatsivimmit innuttaasunut sunik neqerooruteqartoqarnerisoq ersarissumik sulisunut innuttaasunullu ersarissunngorlugit pigineqassasut suliat allaaserineqarnerisa siunertarivaat. Assigiissumik kiffartuussinermik ersarissuunermillu qulakkeerinnittuussapput.

Ilassuteqaatit allannguutillu annertunerit Suliffeqarnermut aammalu Timikkut Tarnikkullu innarluutilinnut tunngasuupput.

Aaqqiissutissatut siunnersuut – suliatigut naliliineq

2020-mi suliat allaaserineqarnerinut ilanngussaqaartoqarpoq. Tulliuttuni aaqqiissutit pingaarnerit allaaserineqarput.

Ataatsimut isigalugu

- Suliat allaaserineqarneri ingerlatsivimmi neqeroorutigineqartunut eqquutsinneqarniassammata naleqqussarneqarsimapput.
- Naammagittaalliorsinnaanermut ilitersuutit misissorneqareerput nutarterneqareerlutillu.

Inunnut innarluutilinnut aamma Tarnimikkut nappaatilinnut Immikkoortortaqarfik

- Sullissinerit nutaat allaaserineqareerput; assersuutigalugu nammineq angerlarsimaffimmi tapersersorneqarneq, tapersersuinerimi tiimit aammalu ingiaqataasartunut aaqqiissuussineq. Sullissinerni inatsisit najoqqutassat misissorneqareerput nutarterneqareerlutillu.

Utoqqarnut tunngasut

- Utoqqarnut tunngasuni suliat allaaserineqarnerini arlalinni oqaaseqatigiit iluarsineqarput, taamaalilluni suliffeqarfiit immikkut innersuussutaajunnaarlutik, taarsiulluguli sullissineq ukkatarineqarluni.

Suliffeqarnermut tunngasut

- Suliffeqarnermut tunngasuni suliat allaaserineqarneri ilanngunneqarput, suliassaqaqarfimmi tassani suliassanik arlalinnik allaaserinniffiusut.

Oqartussaaffeqarfik

- Inunnut innarluutilinnut inatsit naapertorlugu tapersorsorneqarnissamik qinnuteqaatit tamamik suliarineqarnissaannut piffissaliussat ilassutigineqarput.

Suliat allaaserineqarnerat politikkikkut sakuuvoq kiffartuussinermik ersarissunngortitsisoq qulakkeerisuusorlu. Kiffartuussinerup politikkikkut akuerisaasup innuttaasut ilimagisaannut naleqqussarneqarnera naapertuuppoq

Suliat allaaserineqarneri assigiissarneqaraluartut illoqarfinni sumiiffinnilu assigiinngitsuni ilinniarsimasunik atorfinitsiniarnerup ajornakusoornera peqputigalugu assigiinngitsuunissaat ingerlatsivimmit qularutigineqanngilaq. Piumasaqaataasut sapinngisamik pitsaanerpaamik naapertuutsinniarlugit suliat allaaserineqarneri pillugit ilinniartitsinissaq immikkut iliuuseqarfigineqassaaq.

Aningaasatigut sulisoqarnikkullu naliliineq
Soqanngilaq.

Inatsitigut tunngavissaq allakkallu tunngaviumik uppersaatitallit

- o Suliassat allaaserineqarneri inatsisinik atuuttunik aallaaveqarput. Kiffartuussinerni ataasiakkaani inatsit atuuttoq tunngavigineqartoq allassimavoq.

Ingerlariaqqinnissaq

Allannguutit akuersissutigineqassappata allaaserineqarnerit iluarsisat malillugit ingerlatsiviup suliffeqarfii sulissapput.

Suliat allaaserineqarnerisa kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Oqaaseqaateqartoqanngilaq.

Ilanngussat

1. 2021-mi Suliat allaaserineqarneri

Punkt 05B: Angalanermit nalunaarusiaq

Beslutning

Inassuteqaat akuersissutigineqarpoq

Bilag

Rejserapport_Final KAL_40883.docx

Suliffeqarnermut Isumaginninnermullu Ataatsimiititap angalaneranit nalunaarussiaq. Nuuk, oktobari 2020.

Aalajangiiffigisassaq

J.nr.: 01.02

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Suliassamik eqikkaaneq

Suliffeqarnermut Isumaginninnermullu Ataatsimiititap 2020-mi ullut 7. aamma 8. oktobari Nuummut angalavoq. Ataatsimiititap kommunimi nunatsinnilu suliffeqarnermut tunngasutigut suliassaqarfimmi politikikkut suliaqarnermini atorsinnaasaminik siammasinnerusumik paasisimasaqalernissaa angalanerup siunertaraa.

Angalaneq pillugu nalunaarussiaq angalanermit pisussanik aamma angalanerup nalaani ataasiakkaanut pulaarnernik eqikkaanermik imaqarpoq angalanerullu nalaani ataatsimiissimanernit pulaarsimanernillu paasisanik naggasiuteqarluni.

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- angalanermit nalunaarussiaq akuersissutigineqassasoq
- angalanermit nalunaarussiaq inaarutaasumik akuersissutigisassanngorlugu
Aningaasaqarnermut Inuusutissarsiornermullu Ataatsimiititamut ingerlateqqinneqassasoq

Suliassamik saqqummiussineq

Suliffeqarnermut Isumaginninnermullu Ataatsimiititap 2020-mi ullut 7. aamma 8. oktobari Nuummut angalavoq. Ataatsimiititap kommunimi nunatsinnilu suliffeqarnermut tunngasutigut suliassaqarfimmi politikikkut suliaqarnermini atorsinnaasaminik siamasinnerusumik paasisimasaqalernissaa angalanerup siunertaraa.

Angalanermit suliffeqarnek qitiusumik sammineqarpoq. Suliassaqarfimmi siamasinnerusumik ilisimasaqalernissaaq kiisalu Kommuneqarfik Sermersuumi Suliffeqarnek pillugu politikiliortoqarnissaanut pisariaqartitsisoqarnerata misissornissaa siunertaralugit sammisaaq toqqarneqarpoq.

Suliffeqarnermut Isumaginninnermullu Ataatsimiititamit Inge Olsvig Brandt (siulittaasoq), Knud Mathiassen (ilaasortaq), Lone Rosengreen Pedersen (ilaasortaq), Rolf Pike (ilaasortaq) aamma Nadia Olsen (ilaasortaq) peqataapput.

Suliffeqarnermut Isumaginninnermullu Ingerlatsivimmit Ejner Grønvold (pisortaq) aamma Bea Mølgaard Lennert (fagcheffi) peqataapput. Allaffeqarfimmit Pernille Ødegaard (ataatsimiititap allattaa) aammattaaq peqataavoq.

Pingasunngornermi ingerlatsiviup suliffeqarnermut tunngasutigut suliassaqarfimmi suleriaasianut suliniutaanullu ataatsimiititap sukumiisumik ilisartinneqarpoq kiisalu ilaatigut suliffissaaleqisut kisitsisaannut, suliffissaaleqisunut tunngasutigut aningaasartuutitut, atuarsinnaasunut massakkullu periusissianut unammilligassanullu tunngatillugu inatsisit pillugit ilisimatinneqarluni.

Suliffeqarnermut Immikkoortortaqarfimmi fagcheffi Bea Mølgaard aamma Suliffeqarnermut Isumaginninnermullu Ingerlatsivimmi pisortaq Ejner Grønvold ullormut pisunik ingerlatsipput.

Sisamanngorneq Sulisoqarnermut Naalakkersuisup Jess Svanep aamma Suliffeqarnermut Isumaginninnermullu Ataatsimiititap akornanni suliffeqarneq sammillugu ataatsimiiffissatut pilersaaruserfigineqarpoq. Naalakkersuisorli ajoraluartumik ataatsimiinnissamut peqataasinnaanani nalunaarpoq. 2020-mit 2023-mut sulilersitsinissamut periusissiamut nutaamut atatillugu Naalakkersuisut anguniagaat suliniuteqarfigisaallu pillugit Suliffeqarnermut Naalakkersuisoqarfiup immikkoortortaqaafiata pisortaa Lona Lynge saqqummiivoq.

Aaqqiissutissatut siunnersuut – suliatigut naliliineq
Soqanngilaq.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaatitallit
○ Ataatsimiititap suleriaasia

Ingerlariaqqinnissaq
Suliffeqarnermut Isumaginninnermullu Ataatsimiititap angalanermini ilikkakkani ilisimalikkanilu ataatsimiititami suliamini kommunimilu suliffeqarneq pillugu politikkissamik suliaqarnerminut atussavai.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq
Soqanngilaq.

Ingerlatsivinnit allaniit oqaaseqaatigineqartut
Oqaaseqaateqartoqanngilaq.

Ilanngussat

1. Suliffeqarnermut Isumaginninnermullu Ataatsimiititap angalaneraniit nalunaarussiaq, Nuuk, oktober 2020.

Punkt 6: Taasariaqartut allat

Beslutning

Knud Mathiasen: Ukiormut suleqatigiilluarnermullu qujanaq. Juullisiorluarisi, ukiortaassamilu pilluaritsi

Inge Olsvig Brandt: Ukioq manna suleqatigiilluarnermut qujanaq, ukiup tulliani suleqatigiilluarneq ingerlateqqissavarput qinarseqqinnissap tungaanut.

Punkt 7: Lukket

Punkt 07A: Lukket

Punkt 8: Imaqarniliap akuerineqarnera